

## ივანე ჯავახიშვილის სახელობის თბილისის სახელმწიფო უნივერსიტეტი

### ჰუმანიტარულ მეცნიერებათა ფაკულტეტი

საგანმანათლებლო პროგრამის დასახელება: ქრისტიანობის ისტორია / History of Christianity

მისანიჭებელი კვალიფიკაცია: ქრისტიანობის ისტორიის მაგისტრი / Master of Arts in History of Christianity

სპეციალიზაცია: ქრისტიანობის ისტორია/ History of Christianity

**პროგრამის მოცულობა კრედიტებით:** სამაგისტრო პროგრამის სტრუქტურა შეადგენს 120 ECTS კრედიტს, რომელიც ნაწილდება შემდეგნაირად: სავალდებულო სასწავლო კომპონენტი 60 ECTS კრედიტი; არჩევითი სასწავლო კომპონენტი 30 ECTS კრედიტი. კვლევითი კომპონენტი (სამაგისტრო ნაშრომი) - 30 ECTS კრედიტი;

**სწავლების ენა:** ქართული

**პროგრამის მიზანი:** პროგრამის მიზანია მკვლევარის მომზადება ქრისტიანობის ისტორიის დარგში, რომელიც შეძლებს ქრისტიანობისა და ქრისტიანული ეკლესიის ისტორიული პროცესების კვლევა-ანალიზს თანამედროვე მეცნიერული კვლევის მეთოდებით. სამაგისტრო პროგრამა საშუალებას იძლევა, სტუდენტმა მიიღოს ღრმა და სისტემური ცოდნა მეცნიერების სხვადასხვა მიმართულებაში: ეკლესიის ისტორია, საეკლესიო დიპლომატია, ქრისტიანული თეოლოგია, ქრისტიანობის ისტორიოგრაფია და წყაროთმცოდნეობა, ქრისტიანული ფილოლოგია, რელიგიათმცოდნეობა, ქრისტიანული ხელოვნების ისტორია და ა.შ.

პროგრამის მიზანია, სტუდენტს მისცეს სისტემური და ღრმა ცოდნა ქრისტიანული სარწმუნოების საღვთისმეტყველო საკითხებზე, ქრისტიანობის ისტორიის კვლევების მეთოდოლოგიაზე, გამოუმუშაოს მიღებული ცოდნის გაცნობიერებისა და შედეგების პრაქტიკაში დანერგვის უნარი. პროგრამა სტუდენტს საშუალებას აძლევს, მონაწილეობა მიიღოს რელიგიურ პრობლემებზე მიმდინარე სამეცნიერო მსჯელობებში; პროგრამა სტუდენტს ჩამოუყალიბებს ცოდნას თანამედროვე გლობალიზაციის პროცესებში რელიგიის ფაქტორზე და მის ობიექტურად გააზრება-შეფასებაზე.

თსუ ჰუმანიტარულ მეცნიერებათა ფაკულტეტის ქრისტიანობის ისტორიის სამაგისტრო პროგრამა თავისი სასწავლო და კვლევითი კომპონენტით მიზნად ისახავს, მოიცვას დარგის ყველა ასპექტის ღრმა და სისტემური ცოდნა და მაგისტრის მომზადებისას გაითვალისწინოს ბაზრისა და დამსაქმებლის მოთხოვნები, აგრეთვე უზრუნველყოს საკუთარი კურსდამთავრებულისთვის შესაბამისი და მომიჯნავე სპეციალობებით სწავლის გაგრძელების შესაძლებლობა.

**პროგრამაზე დაშვების წინაპირობა:**

- საერთო სამაგისტრო გამოცდა;
- მისაღები გამოცდა სპეციალობაში: ქრისტიანობის ისტორია და საქართველოს სამოციქულო მართლმადიდებელი ეკლესიის ისტორია (გამოცდების საკითხები და ლიტერატურა იხ. თსუ-ს ვებ-გვერდზე);

- სავალდებულოა ინგლისური/გერმანული ენის B 1 დონეზე ცოდნის დადასტურება გამოცდით ან საერთაშორისო აღიარების მქონე სერთიფიკატით (სამაგისტრო პროგრამის დამთავრებამდე B 2 დონემდე ენის ცოდნის გაუმჯობესების პერსპექტივით);
- სამაგისტრო პროგრამაზე მიღებისათვის სტუდენტს უნდა ჰქონდეს ბაკალავრის აკადემიური ხარისხი ან მასთან გათანაბრებული დიპლომი ჰუმანიტარულ, სოციალურ, იურიდიულ და საბუნებისმეტყველო მეცნიერებებში/ ან მათ დარგებსა და ქვედარგებში; აგრეთვე ბაკალავრის ხარისხი ზოგიერთ მიმართულებათშორის დარგში. ან შესაძლებელია გავლილი ჰქონდეს დამატებითი (minor) პროგრამა ისტორიაში.

## **სწავლის შედეგი:**

### **ცოდნა-გაცნობიერება:**

ქრისტიანობის ისტორიის სამაგისტრო პროგრამის კურიკულუმით გათვალისწინებული თეორიული და პრაქტიკული სასწავლო დისციპლინების მასალის ათვისების საფუძველზე ისტორიის მაგისტრს გააჩნია ქრისტიანობის კვლევების დარგობრივი სფეროს ღრმა და სისტემური ცოდნა, რომელიც განათლების პირველ საფეხურზე მიღებული ცოდნის გაღრმავების და კვლევის კონტექსტში მისი გამოყენების, ახალი, ორიგინალური იდეების შემუშავების საშუალებას აძლევს. აქვს ემპირიული მასალის, ინფორმაციის შეგროვება–დაჯგუფების, მეცნიერული პრობლემების ინტერპრეტაციის უნარი. ისტორიის მაგისტრი ფლობს ქრისტიანობის კვლევებში დანერგილ სათანადო ტერმინოლოგიას და დარგობრივ სფეროში მუშაობის მეთოდებს; გაცნობიერებული აქვს ქრისტიანობის კვლევების და ზოგადად ისტორიის დარგის ინტერდისციპლინურობა, იცნობს სასპეციალიზაციო დარგობრივი სფეროს მთავარ პრინციპებს, თეორიებსა და კონცეფციებს; ფლობს ერთ-ერთ ევროპულ ენას (ინგლისურის/ გერმანულის /ფრანგულის) B2 დონეზე საერთო ევროპული სარეკომენდაციო საბჭოს მიერ შემუშავებული ენის ცოდნის დონეთა განმსაზღვრელი ჩარჩოს მიხედვით და შეუძლია ამ ცოდნის გამოყენება აკადემიური და კვლევითი მიზნებისთვის.

### **ცოდნის პრაქტიკაში გამოყენება:**

ისტორიის მაგისტრს შეუძლია ქრისტიანობისა და აბრაამიტული რელიგიების შედარებითი კვლევების გამოყენება კომპლექსურ პრობლემებში გარკვევისათვის; თეორიული და ემპირიული მასალის ურთიერთშეჯერება, მის საფუძველზე ქრისტიანობაში მიმდინარე პროცესების განსაზღვრა-ანალიზი. ისტორიული წყაროების და ტექსტების აღქმის, გაცნობა-განზოგადების და დამოუკიდებელი მუშაობის, ანალიზის და შეფასების უნარი, მეცნიერული კვლევების უახლესი მეთოდების ფორმულირებისა და გამოყენების უნარი. ქრისტიანობის პრობლემებზე მუშაობის შედეგების, მეცნიერული დებულებების არგუმენტირებულად დასაბუთების, მეცნიერული პაექრობის, მსჯელობის მაღალი კულტურის ფლობის უნარი. მეცნიერული დებულებების სამეცნიერო ბრუნვაში შეტანისა და მათი პრეზენტაციის (ზეპირი, წერილობითი) უნარი. სპეციალობით შეუძლია ზოგადად ისტორიის და კერძოდ, ქრისტიანობის ისტორიის დარგობრივ სფეროში კომპლექსური პრობლემების ამოცნობა/იდენტიფიცირება და მათი გადაჭრა დარგში მიღებული კვლევის მეთოდების გამოყენებით; ცოდნის გამოყენება ახალ, გაუთვალისწინებელ გარემოში ან (მომიჯნავე) მულტიდისციპლინურ კონტექსტში; შეუძლია კომპლექსური პრობლემების გადაწყვეტის ახალი, ორიგინალური გზების ძიება, მათ შორის, კვლევის დამოუკიდებლად განხორციელება უახლესი მეთოდებისა და მიდგომების გამოყენებით; ჰუმანიტარული სფეროსთვის დამახასიათებელი კვლევითი მეთოდების გამოყენებით წყაროების დამუშავება და კვლევითი ან ანალიტიკური ხასიათის პროექტის განხორციელება. პროგრამით მიღებული შესაბამისი ღრმა და სისტემური ცოდნის, უნარების საფუძველზე აქვს რელიგიური, ლიტერატურული, ისტორიული და სოციალური პროცესების შეფასებისა და ანალიზის უნარი;

ისტორიული ფაქტებისა და მოვლენების განზოგადებისა და ისტორიულ კონტექსტში განხილვის უნარი.

ისტორიის მაგისტრს ქრისტიანობის კვლევებში შეუძლია ევროპული ენების პრაქტიკული გამოყენება მთელი რიგი წერილობითი კორესპონდენციისა და ზეპირმეტყველების მიზნებისათვის, აქვს საუბრის თავისუფლად წარმართვის უნარ-ჩვევები, არჩეულ ევროპულ ენაზე სხვადასხვა ტიპის ტექსტების (მათ შორის, სამეცნიერო ლიტერატურის) წაკითხვის, მოსმენის, გაგების, თარგმნის, ანალიზის, ინტერპრეტაციისა და რეპროდუქციის უნარი. შეუძლია პროფესიულ საქმიანობაში ან შემდგომი სწავლის პროცესში ამ ენის ფართო აკადემიური მიზნებისთვის ეფექტურად გამოყენება. მაგისტრს შეუძლია ერთ-ერთ ევროპული ენაზე (ინგლისური, გერმანული, ფრანგული) სასპეციალიზაციო დარგში სამეცნიერო ლიტერატურის გაგება და დამუშავება, ასევე სამეცნიერო ხასიათის ტექსტის შედგენა (საკონფერენციო მოხსენება, სამეცნიერო სტატია და სხვ.) და დარგობრივი პრეზენტაციის მომზადება შესწავლილი ენის შესაბამის უცხოენოვან აუდიტორიაში.

### **დასკვნის უნარი:**

ისტორიის მაგისტრს შეუძლია გამოიმუშაოს ქრისტიანობის ისტორიაში არსებული უახლესი მეცნიერული კვლევების განზოგადების, ინტეგრირების უნარი. უახლესი გამოკვლევების კრიტიკული ანალიზის და ახლებურად ფორმულირების უნარი. სხვადასხვა სახის ქრისტიანობის და ზოგადად ისტორიული და უახლესი ინფორმაციების შეჯერების, სინთეზირებისა და საკუთარი დასკვნების გამოტანის უნარი, სფეროსათვის დამახასიათებელი რთული და არასრული ინფორმაციის (მათ შორის, უახლესი კვლევების) კრიტიკული ანალიზის საფუძველზე დასაბუთებული დასკვნების ჩამოყალიბება; უახლეს მონაცემებზე დაყრდნობით ინფორმაციის ინოვაციური სინთეზი; მას აქვს ცოდნის ინტეგრირების უნარი; შეუძლია განყენებული მონაცემებისა და/ან სიტუაციების ანალიზი დარგობრივი სფეროსათვის შესაბამისი როგორც სტანდარტული, ისე ინოვაციური მეთოდების გამოყენებით, დასაბუთებული დასკვნის ჩამოყალიბება და მკაფიო არგუმენტებით დასაბუთება; ზუსტი ფორმულირებით გადმოცემა; აქვს პრობლემის სინქრონიაში და დიაქრონიაში ხედვის უნარი; სისტემის (სტრუქტურის) შემადგენელი ცალკეული ელემენტების ურთიერთზეგავლენის გააზრების, სიტუაციაში ადაპტირების და მინიმალური დახმარების პირობებში მუშაობის და გადაწყვეტილების მიღების უნარი. ჯგუფური თუ დამოუკიდებელი მუშაობის პირობებში მას შეუძლია აბსტრაქტული მონაცემებისა და კონცეფციების საჭიროებისამებრ ტრანსფორმაცია და პრობლემის გადაჭრის გზების მონახვა. შეუძლია სასპეციალიზაციო სფეროში კომპლექსური პრობლემების იდენტიფიცირება და მათი გადაჭრა სათანადო ცოდნისა და მეთოდების გამოყენებით.

### **კომუნიკაციის უნარი:**

ისტორიის მაგისტრს ქრისტიანობის ისტორიაში შეუძლია ქრისტიანობის ისტორიის დარგისათვის დამახასიათებელი მეცნიერული კანონების გამოყენებით სწორი მსჯელობა; ჩატარებული კვლევის შედეგების არგუმენტირებულად მიწოდება აკადემიური და პროფესიული საზოგადოებისათვის მშობლიურ ენაზე; ავლენს მეცნიერულ, აკადემიურ კომუნიკაციის უნარს სპეციალისტებთან დისკუსიის პროცესში; გააჩნია ინტერდისციპლინურ ჯგუფში მუშაობისა და კოლეგიალობის დაცვის უნარი; დისკუსიაში პროფესიულ დონეზე აქვს თავისი დასკვნების, არგუმენტაციისა და კვლევის მეთოდების გააზრების უნარი. აკადემიურ, სამეცნიერო და პროფესიულ წრეებში ქართულ და უცხოურ ენებზე, შეუძლია ინფორმაციის შესაბამისი უცხოენოვანი წყაროს გამოყენება; სხვადასხვა თემებზე თავის აზრებისა და შეხედულებების მკაფიოდ ჩამოყალიბება; მას შეუძლია ასევე თანამედროვე საინფორმაციო და საკომუნიკაციო ტექნოლოგიების აქტიურად გამოყენება დარგობრივ სფეროში. აქვს

საჯარო გამოსვლის ტექსტის, სამეცნიერო ნაშრომის ქართულ და უცხო ენაზე შექმნის უნარი აკადემიური ნორმებისა და სტანდარტების დაცვით; ქართულ და უცხო ენაზე პრეზენტაციის წარმართვის უნარი;

### **სწავლის უნარი:**

ისტორიის მაგისტრს აქვს ქრისტიანობის ისტორიის სფეროს გააზრება-გაცნობიერების უნარი; ქრისტიანობის მიმართულებების თავისებურებათა გათვალისწინება და მართებული გააზრება, სამუშაო დროის სტრატეგიულად დაგეგმვისა და ორგანიზების უნარი; თავისი კომპეტენციის სფეროში შეუძლია სამუშაოს დაწყებამდე სამუშაოს შესრულების გეგმის დამოუკიდებლად შედგენა, პრიორიტეტების გამოყოფა, მუშაობის პროცესში საჭირო რესურსების უზრუნველყოფა და გამოყენება. მას კარგად აქვს გაცნობიერებული ცოდნის გაღრმავების აუცილებლობა; შეუძლია საკუთარი სწავლის პროცესის დამოუკიდებლად წარმართვა რესურსების ფართო სპექტრის გამოყენებით; საკუთარი სწავლის პროცესის თავისებურებების გაცნობიერებით მისი თანმიმდევრულად და მრავალმხრივად შეფასება, შემდგომი სწავლის საჭიროებების დადგენა. შეუძლია საკუთარ თავზე მუშაობა და მაგისტრატურაში მიღებული ცოდნისა და უნარების დარგობრივ საქმიანობაში დამოუკიდებლად სრულყოფა; შეუძლია სამეცნიერო დარგობრივ ლიტერატურაზე დამოუკიდებელი მუშაობით ცოდნის განახლება; მას აქვს განათლების შემდგომ (სადოქტორო) საფეხურზე სწავლის გაგრძელების შესაძლებლობა.

### **ღირებულებები:**

ისტორიის მაგისტრს აქვს გააზრებული ეროვნულ-ქრისტიანული ღირებულებების მნიშვნელობა და გააჩნია მათი მნიშვნელობის შეფასების უნარი; ქრისტიანული ღირებულებების ირგვლივ ახალი მეცნიერული დასკვნების გააზრება, ამ დასკვნების საკუთარი შეხედულებებთან შეჯერება და საზოგადოებამდე მიტანა. განსხვავებული სამეცნიერო აზრისა და დებულებებისადმი პატივისცემის, ეთიკური ნორმების დაცვის უნარი. კარგად აქვს გაცნობიერებული პროფესიული, სოციალური და ეთიკური პასუხისმგებლობები და სათანადო აკადემიური და ეთიკური ნორმები. იცავს აკადემიური პატიოსანებისა და ეთიკის სტანდარტებს; ინტერპერსონალური ურთიერთობების ეთიკას.

მას აქვს კულტურათაშორისი და რელიგიათშორისი ურთიერთობების, კულტურულ-რელიგიური მრავალფეროვნების აღქმის, ადეკვატური გაგებისა და პატივისცემის უნარი; ახასიათებს რელიგიური ტოლერანტობა, განსხვავებული კონფესიების, კულტურებისა და აზრის პატივისცემა; დემოკრატიული ფასეულობების პატივისცემა; შეუძლია ღირებულებებისადმი თავისი და სხვების დამოკიდებულების შეფასება და ახალი ღირებულებების დამკვიდრებაში წვლილის შეტანა.

**სწავლის შედეგების მიღწევის მეთოდები:** სწავლის შედეგების მისაღწევად სამაგისტრო პროგრამა ლექციის, სამუშაო ჯგუფის, პრაქტიკული მეცადინეობის, საშინაო დავალების, შუალედური შეფასების, პრეზენტაციის, რეფერატის, ესეს, შუალედური და დასკვნითი გამოცდის, სამაგისტრო ნაშრომის და სხვ. ფორმატში იყენებს სხვადასხვა მეთოდს (ვერბალური მეთოდი, წიგნზე მუშაობის მეთოდი, მასალის დაკონსპექტება, ინდუქცია, დედუქცია, ანალიზი და სინთეზი, ჯგუფური მუშაობა, ევრისტიკული მეთოდი, დისკუსია/დებატები, ახსნა-განმარტებითი მეთოდი, წერიტი დავალებები და სხვ.).

### **სტუდენტის ცოდნის შეფასების სისტემა:**

სტუდენტის ცოდნა ფასდება 100 ქულიანი სისტემით; მინიმალურ შეფასებას წარმოადგენს 51 ქულა; უნივერსიტეტში მოქმედი სასწავლო პროცესის მარეგულირებელი წესის თანახმად შეფასება ხორციელდება შემდეგნაირად: 91 -100 – ფრიადი, **A**; 81-90 –ძალიან კარგი, **B**; 71-80– კარგი,**C**; 61-70–

დამაკმაყოფილებელი, **D**; 51-60–საკმარისი, **E**; 41-50– ვერ ჩააბარა, **FX**; 0-40 – ჩაიჭრა, **F**. შეფასების კრიტერიუმები მოცემულია კონკრეტულ სილაბუსებში. შეფასება ხორციელდება მინიმუმ ოთხი კომპონენტის მიხედვით.

### **დასაქმების სფეროები:**

მაგისტრის ხარისხის მქონეს როგორც მკვლევარს საშუალება ეძლევა იმუშაოს რელიგიისა და კონკრეტულად საეკლესიო პრობლემატიკით დაინტერესებულ სასწავლო (გარდა აკადემიური თანამდებობებისა) და კვლევით დაწესებულებათა ქსელში:

- საქართველოს ჰუმანიტარული პროფილის სამეცნიერო-კვლევით ინსტიტუტებში;
- საქართველოს ნებისმიერ ბიბლიოთეკასა და საქართველოს არქივ-საცდევებში;
- ტელევიზიებში და მასმედიის სხვა საშუალებებში
- ექსკურსია-მძღოლად სხვადასხვა სახის მუზეუმებში

ექსპერტის სტატუსით იგი შეიძლება დასაქმდეს სახელმწიფო, არასამთავრობო და კერძო სტრუქტურებში. გარდა პრაქტიკული საქმიანობისა, პროგრამის კურიკულუმი კურსდამთავრებულს საშუალებას აძლევს სწავლა გააგრძელოს დოქტორანტურის საფეხურზე სხვადასხვა მიმართულებით: ისტორიის, კულტურის მეცნიერებების, რელიგიის ფილოლოგიის, ხლოვნებათმცოდნეობის, ფილოსოფიის, ფსიქოლოგიის, სოციოლოგიის და სხვ.

**სასწავლო გეგმა:** იხ. დანართი № 1

**სილაბუსები:** იხ. დანართი № 2

**პროგრამის ხელმძღვანელი:** ქეთევან პავლიაშვილი. საქართველო, თბილისის ივ. ჯავახიშვილის სახელობის სახელმწიფო უნივერსიტეტი, მოწვეული პროფესორი, ისტორიის მეცნიერებათა დოქტორი. (CV იხ. დანართში)

**ინფორმაცია პროგრამის განხორციელებისათვის აუცილებელი ადამიანური რესურსების შესახებ:** (გვარი, სახელი, აკადემიური თანამდებობა, ხარისხი), ბიოგრაფიული მონაცემები (CV) დანართის სახით; იხ. დანართი № 3

1. პავლიაშვილი ქეთევანი ისტორიის მეცნიერებათა დოქტორი. მოწვეული ლექტორი (CV იხ. დანართი 3)
2. პაპუაშვილი გიორგი, ისტორიის დოქტორი, მოწვეული ლექტორი (CV იხ. დანართი 3)
3. გრიგალაშვილი ია. ფილოლოგიის დოქტორი. მოწვეული ლექტორი (CV იხ. დანართი 3)
4. ფარულავა გრივერი ფილოლოგიის მეცნიერებათა დოქტორი, მოწვეული ლექტორი (CV იხ. შესაბამის პროგრამაში)
5. ზაქარიაძე ანასტასია. ფილოსოფიის დოქტორი, ა/პროფესორი (CV იხ. შესაბამის პროგრამაში)
6. თვალთვაძე დარეჯანი ფილოლოგიის დოქტორი, პროფესორი (CV იხ. შესაბამის პროგრამაში)
7. გელოვანი ნანი ისტორიის დოქტორი, ა/პროფესორი (CV იხ. შესაბამის პროგრამაში)
8. სხირტლაძე ზაზა ხლოვნებათმცოდნეობის დოქტორი, პროფესორი (CV იხ. შესაბამის პროგრამაში)

**ინფორმაცია პროგრამის განხორციელებისათვის აუცილებელი მატერიალური რესურსების შესახებ:**

პროგრამის სამეცნიერო-კვლევითი კომპონენტი განხორციელდება თსუ-ს ცენტრალური, ჰუმანიტარულ მეცნიერებათა ფაკულტეტის, ინტიტუტებისა და დეპარტამენტების ბიბლიოთეკების ბაზაზე, აგრეთვე სხვადასხვა არქივების, წიგნთსაცავებისა და ინტერნეტ-რესურსების გამოყენებით. სტუდენტების განკარგულებაშია მსოფლიო ისტორიის ინსტიტუტის ბაზაზე არსებული ტექნიკური საშუალებები. ასევე, ფაკულტეტისა და უნივერსიტეტის კომპიუტერული რესურს-ცენტრები.

**პროგრამის ფინანსური უზრუნველყოფა:** ქრისტიანობის ისტორიის პროგრამის ფინანსური უზრუნველყოფა ხდება ჰუმანიტარულ მეცნიერებათა ფაკულტეტის ბიუჯეტიდან, რომელიც უნივერსიტეტის ბიუჯეტის შემადგენელ ნაწილს წარმოადგენს. საფაკულტეტო ბიუჯეტი უზრუნველყოფს პროგრამის განხორციელებაში ჩართული აკადემიური პერსონალისა და მოწვეული ლექტორების შრომის ანაზღაურებას, პროგრამის მატერიალურ-ტექნიკური ბაზის მოვლასა და სრულყოფას.